

۱۱ جمادی الاولی سنہ ۱۳۳۳

جمعہ اترتسی

۱۴ مارٹ سنہ ۱۳۳۰

DJÉRID I SOUFIE

Fonde en 1090

Organe Turc Fanislamlqne

Directeur Proprietaire

HASAN KIAZIM

No. 108, le 9 (22 Février 1915

Adresse. Avenue de la S. Porte

Rue Eb ussonoud

جريدة الصوفية

شمديك اون بش كونده برنشر اولتور

صاحب امتياز و مدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آيچقدر درج ايدليان اوراق اعاده ايدلن

استانبولده باب عالي جوارنده ابو السعود جاده سنده
نجم استقبال مطبعه سنده اداره خانه من اصحاب
مراجعه هر ساعت آيچقدر

سنه لك اعتباريله ممالك شاهانه ايجون پشين
اوله رق ۴۰ التي المني ۲۵ غروش و ممالك
اجنيه ايجون ۱۲ فرانقدر .

تلفون نومروسي : ۱۰۹۷

نسخه سي ۴ پاره در

تصوفي ، ديني ، اخلاقي ادبي ، سياسي جريده اسلاميه در

نومرو ۱۰۶

بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 قالمش ملک جهانہ تفریک بیلیم نهدن
 هانکی حالتدر سنی بو رتبه تبرید ایتدیرن
 اشتکا ایتمیسک بو حاله باعث کیمسه دن
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 غل وغشیدن قلبک اولش بر مجلا آینه
 قالمش بودونبودندن بوچرخک امنیه
 محض نور اولمشک اما بیلیم نیه
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 ایتمیورسک هیچ تکایو بویله استغنا نهدن
 یوقی یوقسه هیچ امیدک فرد واحد کیمسه دن
 کیم بو حاله باعث اولدی سویله اسبابی نهدن
 بویونه طوق ایلشک عشقنک زنجیری
 سویله ارسلانم مدد قیل مولولردنمیسک
 خادم طریقت جلیله مولویه
 عبدالحلیم چلبی

منظومه

طی مکانله حربه کیدنلر کولکوسی
 غیب عسکریله جنکه کیدنلر کولکلو
 حضری رفیق و رهبر ایدنلر کولکوسی
 ارلر قومانداسنده ارلر کولکوسی
 تاکه اکورندی موکب حیش ظفر شعار
 کیملر دیدم بو شیر فکن چند ذی وقار
 هاتف دیدی بو زمره مسعود و بختیار
 ارلر قومانداسنده ارلر کولکوسی
 شمس علم اولنجه ضیا بخش التماع
 توفیق حقه ال اچهرق ایندیلر سماع
 بر مرزد نمره زن دیدی بو کتله شجاع
 ارلر قومانداسنده ارلر کولکوسی
 تنوره سیله چرخه زن پیش کازرار
 فخریله وایه دار مباحات بیشمار
 باق باق شو شانلی جانی کلن حیش نامدار
 ارلر قومانداسنده ارلر کولکوسی
 اولسون الهی خیر قدومیه جلوه کر
 عثمانی اردوگاهنه وعد ایتدیکک ظفر
 اولدی جنود غیک ایله ره و سفر
 ارلر قومانداسنده ارلر کولکوسی

ارلر ایچنده حضرت خنکار ایچنده در
 ابرار ایچنده عمده اخیار ایچنده در
 البته سیف صارم قهار ایچنده در
 ارلر قومانداسنده ارلر کولکوسی

سلانیک والی سابق

محمد ناظم

شهید

شهید — مزاحم وصلت دیداره کوکس کره ندر .
 شهید — مطلوبه واران یوللرک الک صعب المروندن کچندر .
 شهید — ایشار جان . فقط درج احسان جانان ایلاندر .
 شهید — طیلسانله دکل طی لسان، صح وجدان ایله منزل وحدته
 واراندر .
 شهید — هر دائم تجلی ایدن حقیقت مطلقه اوکنده دروتی فدا،
 آماللی هبا ایلاندر .
 شهید — موجودیت نفسی و مادیسی اوزرینه بر سریر سہامسیر
 محویت قوراندر .
 شهید — مجموعه حیاتک دست محبوب ایله یازلش صحیفه صفا
 آوری زهنیه دکل قانیله او قویاندر .
 شهید — منظومه ایمانک مجسم بر بندلعلکونی، بر مثال پر خونیدر .
 شهید — آتی ینمز لکن قانی طاهر بر وجود مطییدر .
 شهید — مرات مشهود حقه دم عزیمیه یورویوب باقانددر .
 قلعه سلطانیله

علی طیار

فتوحات اسلامیہ

فتح مصر

مصر قطعه سی ظهور دین اسلامده قیصر روم هرراقلیوسک زیر
 حکمنده ومقوفس دیمکه معروف جریح بن میناهی نامنده بر والینک
 یداداره سنده ایدی . دهاته اصحابدن عمر وبن العاص رضی الله عنه
 مقدما مصره کلوب کوردیکندن امیر المؤمنین عمر بن الخطاب رضی الله
 عنہ تشویق ایتمسینه بناء قدس شریفک عقیب فتحنده درت بیک
 مجاهد ترفیقیه فتحنه مأمور ایدلدی .
 او صرده مصرک قبطی دنیلان یرلی اہالیسی ایله مصر وشام
 یعقوبیلری آراستنده مسائل مذہبیہ دن طولایی عظیم اختلاف اولسندن
 وروم حکومتک مظلاندن طولایی قبطی ویهودیلر حکومت مزبورہ دن
 یزار اولدقلرندن مسلمانلرک سوریه دهکی فتوحاتنده نمایان اولان
 اجرا آت عادلانه لرینه وخصوصیه سربستی ادیانہ رعایتلرینه غبطه
 ایدر وکندولرینک بویولده نعمت حریتہ مظهریتلرینی تمی ایلر
 ایدیلر . بناء علی ذلک عمرو بن العاصک یولده تصادف ایتدیکی قبائل

وعشائر ممنوناً التحاق و معاونت ایندک کردند مشار الیه پورتو سعیدک جوارنده کائن فرما و متعاقباً بلیس بلده لرینی فتح ایندکدن صکره الیوم حکومت مصریه نیک مرکز اداره سی اولان قاهره نیک قربنده واقع قعدالشمع قلعه سنی محاصره ایندکده او جوارده بولان منفیس بلده قدیمه سندن محصورینه معاونت و مقوفس بالذات مقاومت ایندیکندن استمدادی اوزرینه جناب امیرالمؤمنین کبار اصحابدن زیربن العوام ، مقداد بن الاسود ، عباد بن الصامت ، مسلمة بن مخلد رضی الله عنهم ایله درت بیک کشیدن عبارت قوه امدادیه ارسال ایلدیکندن مقوفس اسکندریه صاوشوب کتیدی . حضرت زیر بر قاج ذات جلادت سمات ایله قلعه نیک سورینه جیقوب [الله اکبر] صدالری صباخ مؤمنینی تهریز ایلدکده عمومی هجوم ایله یکرمنجی سال هجری محرمک غره سنه تصادف ایدن جمعه کونی ضبط و تسخیره موفق اولدیلار .

عمر بن العاص کیدوب اسکندریه بی محاصره ایلدی . شهر مذکور بانپسی اولان بیوک اسکندرک زماندنبرو خطه مصریه نیک مرکز اداره سی اولدیفندن روم اهالی جوغه بولدینی کی منفیس بلده سنده وجواردن قاجوب کلانلر دخی انضمام ایتسیله شدتله مدافعه ایتدیلر ایسه ده او صروده قسطنطنیه ده امداد کوندریله مدیکندن اهالی مرقومه مایوس اوله رق بجزاً فرار ایتکه باشلدیلر . مقوفس شمشیر اسلامه طوعاً و یا کرهاً باش اکمکدن باشقه چاره اولمدینی اکلانجه عباد بن الصامت ایله ملاقات ایدرک روم عسکرینک کثرتندن و مسلمانلرک ضرورت و ضعف حاللرندن بحثله کندولرینه غلبه ممکن اولمیه جقنی سولسی اوزرینه مشارالیه جواباً بو سوزلر ایله کندیکی وارقداشلرینی اغفال ایته . روملرک قوت و کثرتی وانلره قارشو کله میه جکمز سولک بزی قورقوده مز . عزیمزدن چوره مز . اگر شودیدیکک طوغری ایسه یعنی انلر اوله قوتلی وجوق ایسه لر بو حال بزی محاربه ده زیاده ترغیب و اشتیاقزی ترید ایدر چونکه انلر ایله محاربه ده بر فردمز قالمینجه قدر همز شهید اولور ایسه ک جناب حقک حضورینه ده زیاده معذور بر حالده چیقارز . انک نعمت رضوانه ده زیاده مستحق اولورز . بو ایسه آرزو ایتدیکمز منتهای سعادتدر . بزم ایچون بوندن ده قیمتدار برشی اولماز . دیدکدن صکره مسلمان اولکمز . اگر مسلمان اولماز ایسه کز آرامزده حاصل اوله حق اتفاق ایله تقریر ایده جک مقدار جزیه اعطا ایتدیکمز حالده جان ، مال و عرضکزه تجاوزانده بولنه جقلر ایله حرب ایتکی تعهد ایدرز . سز حمایه مز آلتده بولندجه و اوزرمزه اوله بر عهد صاحبی اولدجه بز وظیفه مزی ایفاده تردد ایتیز بیوردیفندن مقوفس برکتلی سنلرده بش میلیون دینار خراج ویرمکی تعهد ایدرک کیفیتی قیصر رومه بیلدیردی . انحق قیصر شدتله رد و کندوسی توبیخ ایتسه و متعاقباً قیصرک خلیله روم دولتک حالی متغیر اولمسنه بناء مقوفس روم و قبطیلردن متسلویاً خراج النقی و قیصر حدید موافقت

ایده جک اولور ایسه قبول ایدلیوب کندوسیله عقد ایدیلان معاهده ده رعایت اولنق شرطیه استجمی ایلدیکندن ۳۱ سنه دنبرو بولندینی اسکندریه والیکنده ابقا ایدلدی فقط عمرو بن العاص والی عمومی اولوب شمیدیکی قاهره شهرینک جوارنده بنا و تأسیس ایتدیکی فسطاط شهرنده اقامت ایتدی و مقوفس بر مدت صکره وفات ایدلدی .

ایشته خطه مصریه بو تاریخدن اعتباراً ۱۳۰۰ سنه دنبرو حکومات اسلامیه نیک ایادی اداره سنده بولنیور اگرچه سوریه ده مستولی اولان اهل صلیب خطه مز بوریه دخی تجاوز ایتش ایسه ده جناب صلاح الدین ایوبی مرقوملری تشکیل و مالکی ضبط ایدرک حکومت و سلطنتی تأسیس ایلدیکی کی بابا غره غوارک تشویقیله فرانسه قرالی طقوزنجی سن لوئی یدنجی اهل صلیب اردوسی اولق اوزره ترتیب ایلدیکی مکمل بر اردو ایله دمیاطه کلوب ضبط ایتدکدن صکره قاهره ده طوغری ایلروله دیکی حالده قارشولرینه کلان عساکر اسلامیه ایله ۶۴۸ سنه هجریه سی محرمنده اجرا قتلان محاربه ده اهل صلیبدن اوتوز بیک کثی مقتول و سکسان بیک نفر ایله مشارالیه قرال و اقربا و امرا سی اسیر اولملریله درت یوز بیک دینار فدیله نجات الیه رق اطلاق و خطه مصریه اهل صلیبدن تماماً تحلیه ایدلدی . ۱۲۱۳ سنه سنده ناپولیون بونا بارت مکمل بر اردو ایله مصره کلدیکی حالده اکثریسی تلف اولوب کندوسی و عسکرندن پک آزی فرانسه ده عودت ایده بیلدی . انکلیزلر ۱۲۲۲ سنه سنده اسکندریه ورشیدی ضبط ایتدیلر ایسه ده تقرر ایده میوب عودت ایلدیلر . عراقی پاشا وقعه سی دیومشهور اولان قیام عسکری وسیله سیله انکلیزلر ۱۲۹۹ سنه سندنبرو مصرده بر قاج بیک عسکر بولندیروب کافه معاملاته مداخله ایتلری حرب حاضری انتاج ایتدی ایسه ده مقهور و منهزم اوله جقلری غایت حقندن مأمول و منتظر در . اسبق حجاز والیدی

احمد رشید

هینده نبورغ

(دلی پترو) او سزک مرد سیاست دانش
ترک لک محویی شدتله وصیت ایتش
سنده احفادیکه برشی یازمجه سکه شاید
(آلمان) نامنی سرنامه دفتر قید ایت
دلپور سینه کزی طبق مثال بورغی
سزده تقدیر ایدیکز حمله هینده نبورغی

هینده نبورغ عندالحساب ۱۳۳۲ ارکان حرب میر آلا یلغندن متقاعد

رجب وحی